



Ислом Нури

Биз яхши биламизки, Аллох фаришталарни нурдан яратган. Фаришталар (малоикалар) эркак ҳам эмаслар, аёл ҳам эмаслар. Улар овкат емайдилар, сув ичмайдилар. Бола-чакалари ҳам йўк. Малоикалар факат Аллохнинг буйрукларини бажаришади. Улар ҳеч қачон гуноҳ ва ёмон иш қилишмайди. Доимо Аллохни улуглаб, мактаб туришади. Унга ибодатлар қилишади. Яна бошқа ҳар хил вазифаларни адо этишади. Уларнинг баъзилари бизнинг атрофимизни ўраб, кўриқлаб туришади. Аллохнинг буйруги билан бизни балолардан, зарарлардан саклаб юрадилар. Шайтонлардан химоя қиладилар. Қилаётган ишларимизни кузатиб борадилар. Улар ҳар қуни осмондан ерга навбат билан келиб кетишади. Кундузи учун алоҳида, кечаси учун алоҳида фаришталар бўлади. Кундузи тушган фаришталар кечкурун яна осмонга чиқиб кетадилар. Кечаси учун келган фаришталар тонг отганда осмонга кўтарилиб кетадилар. Улар яхши мусулмонларнинг ҳақиқага дуо қилиб туришади. Биз уларни яхши кўрамиз.

Фаришталар бизнинг кўзимизга кўринмайдилар. Аммо улар бизни кўриб туришади. Шунинг учун биз уларнинг олдиларида одобли бўлиб юришимиз керак.

Фаришталарнинг ичида энг ҳурматли қотиб фаришталар борлар. Қотиб фаришталар нима иш қиладилар, биласизларми? Улар ҳар бир одамнинг икки томонида турадилар. Ўнг томонда турадиган фаришта у одамнинг яхши амалларини ёзиб боради. Чап томондаги фаришта эса ёмон амалларни ёзиб боради. Биронта қичкина иш ҳам уларнинг назарларидан четда қолмайди. Биронта сўз ҳам уларнинг дафтарида тушиб қолмайди. Бизнинг ҳар бир ҳаракатимизни, ҳар битта сўзимизни бу икки фаришта ёзиб олади. Шунинг учун биз жуда ҳам эҳтиёт бўлишимиз керак. Ҳеч қачон гуноҳ ишларни қилмаслигимиз,



Ислом Нури

Ёмон ва уят сўзларни гапирмаслигимиз лозим.

Биз каерга бормайлик, икки ёзувчи фаришта биз билан бирга боришади. У ерда нима иш килсак ҳам ёзиб олишади. Хеч ким эшитмайдиган килиб шивирлаб гапирсак ҳам улар эшитишади ва дафтарларига ёзишади. Аммо кимки гунох иш килгандан кейин тавба килса, фаришталар унинг гуноhini ўчирадилар.

Фаришталар бу дунёда ёзиб олган нарсалар Киёмат кунида ошкор бўлади. Одамлардан бекитиб килинган ишлар ҳам очилиб кетади. Фаришталарнинг ёзганлари инсоннинг ё зарарига ё фойдасига гувоҳ бўлади. Шунинг учун одамлар билиб колса уят бўладиган ишларни одамлар йўк ерда ҳам килмаслик керак.

Кимки бу икки фаришта хакида эшитмасидан олдин бирор гунох иш килиб кўйган бўлса, дарров тавба килиб олсин. «Эй Аллох, менинг гунохимни кечир, билмай килдим, энди бундай ишни килмайман», деб айтсин. Кимки бирон ёмон сўзни гапириб кўйган бўлса, тезда «Астагфируллох», деб истигфор айтсин. Аллох албатта кечиради. Тавба килгандан кейин ундай ёмон ишни иккинчи бор килмаслик керак.

12 - коида. Малоикалар одамларни кўриб турадилар. Хар бир инсоннинг икки томонида икки котиб фаришта бўлади. Улар инсоннинг хамма сўзи ва ишини ёзиб боришади. Яхши мусулмонлар фаришталардан уяладилар. Ёмон сўзларни гапирмайдилар, гунох ишларни килмайдилар.



Саволлар

1. Фаришталар қандай мавжудотлар? Икки котиб фаришта хақида гапириб беринг.
2. Билмасдан гуноҳ иш қилиб қўйган одам нима қилиши керак?